

# Bibël për fëmijët paraqet

## Perëndia Nderon Jozefin, Skllavin



Shkruar nga: Edward Hughes  
Ilustruar nga: M. Maillot; Lazarus  
Adaptuar nga: M. Maillot; Sarah S; Alastair P.  
Përkthyer nga: Arianit Iljazi  
Prodhuar nga: Bible for Children  
[www.M1914.org](http://www.M1914.org)

BFC  
PO Box 3  
Winnipeg, MB R3C 2G1  
Canada

©2020 Bible for Children, Inc.

E drejta e kopjimit: Mund të bëni kopje ose ta shtypni këtë histori,  
nëse nuk do ta shitni.

1

Jozefi u fut padrejtësisht  
në burg nga ish zotëria i tij,  
Potifari. Në burg, Jozefi  
ishte i bindur dhe shumë  
ndihmës. Kryeroja e burgut  
i besoi Jozefit të  
organizonte  
jetën e të  
burgosurve.



2

Që të dy, bukëpjekësi dhe kupëmbajtësi i mbretit ishin në burg. "Përse jeni kaq të trishtuar?" i pyeti Jozefi ata një ditë.



3

"Askush nuk na tregon se çfarë do të thonë ëndrrat tona", u përgjigjën burrat të turbulluar. "Perëndia mundet" tha Jozefi. "Më tregoni ëndrrat".



4

"Ëndrra jote do të thotë që në tre ditë ti do të bëhesh përsëri i preferuari i Mbretit Faraon", i tha Jozefi kupëmbajtësit.




5

"Kujtohu për mua dhe kërkoji Faraonit të më nxjerrë nga burgu". Ëndrra e bukëpjekësit mbante lajm të keq. "Ti, do të vdesësh në tre ditë", tha Jozefi. Të dyja ëndrrat u vërtetuan.



6

Por kupëmbajtësi e harroi Jozefin fare, gjersa Faraoni u ngrit i turbulluar nga gjumi një ditë. "Kam parë një ëndërr", bërtiti ai.



Asnjë nga njerëzit e tij të ditur, nuk ia tregonte dot kuptimin. Atëherë kupëmbajtësit iu kujtua Jozefi në burg. Ai i tregoi Faraonit rreth tij.

7

Faraoni dërgoi ta marrin Jozefin menjëherë. "Ëndrra jote është një mesazh nga Perëndia", i tha Jozefi mbretit. "Egjipti do të ketë shtatë vite begatie, dhe pastaj shtatë vite të tmerrshme zi buke".



8

"Bëni një plan tani për të grumbulluar ushqim gjatë shtatë viteve të begata", e këshilloi Jozefi Faraonin, "ose njerëzit e tu do të vdesin nga uria prej zisë". "Perëndia është me ty", deklaroi Faraoni. "Ti do të jesh i dyti pas meje në ngarkim të Egjiptit".



9

Shtatë vitet e begatisë erdhën. Pastaj shtatë vitet e zisë së bukës. Ushqimi ishte i pakët kudo gjetkë me përjashtim të Egjiptit, ku me urtësi kishin grumbulluar sasi shumë të mëdha. Në shtëpinë e Jozefit, në atdheun e tij të largët, familja e Jakobit për pak sa s'po vdiste nga uria.




10

Njerëz nga të gjitha vendet shkolin në Egjipt, për të blerë grurë. "Edhe ju, duhet të shkoni", urdhëroi Jakobi bijtë e tij "ose përndryshe do vdesim urie". Duke mbërritur në Egjipt, të bijtë u përgatitën të blejnë ushqim.



11

Bijtë e Jakobit ranë përmbys përpara personit që ishte në ngarkim të Egjiptit. Ata nuk e njohën Jozefin, vëllanë e tyre. Por Jozefi i njohu ata. Jozefit iu kujtuan ëndërrat e tij të djalërisë. Perëndia e kishte ngritur atë mbi vëllezërit e tij.



12

Jozefi ishte shumë i urtë. Ai u foli ashpër dhe e mbajti peng vëllanë e tij Simeonin.



13

"Merrni ushqim, shkoni në shtëpi dhe kthehuni me vëllain tuaj më të ri", urdhëroi ai. "Kështu unë do ta di që nuk jeni spiunë".



14

Vëllezërit menduan që Perëndia po i ndëshkonte ata, pse e kishin shitur Jozefin si skllav shumë vite më parë.



15

Jakobi dhe bijtë e tij ishin të hutuar. "Paratë tona na janë kthyer brenda grurit. Dhe ai sundusi tha që duhet të sjellim Benjaminin".



16

Jakobi nuk donte ta linte Benjaminin të shkonte. Por shpejt ushqimi mbaroi. Vëllezërit duhet të shkonin sërisht në Egjipt. Beniamini shkoi me ta.



17

Kur Jozefi pa Benjaminin, ai urdhëroi shërbëtorët e tij të përgatishnin një festë të madhe. Vëllezërit u ftuan. "A është ati juaj ende gjallë; a është ai mirë me shëndet?" pyeti Jozefi. Mbase ai po mendonte si ta mblidhte të gjithë familjen së bashku.



18

Jozefi donte të dinte edhe nëse vëllezërve të tij u vinte me të vërtetë keq, për mëkatin e shumë viteve përpara. Pas banketit, ai i akuzoi ata për vjedhje.



19

"Për t'ju dënuar, do të mbaj Benjaminin si skllavin tim", tha Jozefi. "Zoti im, më mirë merr jetën time", u lut Juda. Jozefi e dinte se Juda që kishte propozuar ta



20

shisnin Jozefin, kishte ndryshuar me të vërtetë.



Duke mos qenë më i aftë ta fshihte dashurinë për familjen e tij, Jozefi i nxorri të gjithë Egjiptasit jashtë. Pastaj ai filloi të qajë. "Unë jam Jozefi vëllai juaj, të cilin ju e shitët në Egjipt". Të mrekulluar dhe të frikësuar, vëllezërit mbetën pa fjalë.

21



Jozefi i nxiti vëllezërit e tij. "Perëndia më bëri zot në Egjipt, që të mund të

shpëtoj jetët tuaja nga kjo zi buke. Shkoni sillni babanë tim këtu. Unë do kujdesem për ju".

22



Jakobi dhe Jozefi u ribashkuan në Egjipt, dhe e gjithë familja jetoj atje në paqe dhe begati.

23

Perëndia Nderon Jozefin, Skllavin


Një tregim nga Fjala e Perëndisë, Bibla

e marrë nga

Zanafilla 39 - 45

"Zbulimi i fjalëve të tua ndriçon dhe u jep mendje njerëzve të thjeshtë."  
Psalmet 119:130

24



8



60

25

Ky tregim nga Bibla na tregon për Perëndinë tonë të mrekullueshëm i cili na krijoi dhe dëshiron që ne ta njohim Atë.

Perëndia e di që ne kemi bërë gjëra të këqija, të cilat Ai i quan mëkatet. Dënimi për mëkatin është vdekja, por Perëndia ju do juve aq shumë sa që dërgoi Birin e Tij të vetëm, Jezusin, që të vdesë në Kryq dhe të dënohet për mëkatet tuaja. Pastaj Jezusi u ringjall dhe u ngrit lart në Qiell! Nëse beson në Jezusin dhe i kërkon Atij të 'i falë mëkatet e tua, Ai do ta bëjë atë! Ai do të vijë dhe do të jetojë në ty, dhe ti do të jetosh me Të përgjithmonë.

Nëse ti beson se kjo është e vërteta, drejtoju Perëndisë kështu: Jezus i dashur, unë besoj se Ti je Perëndia i bërë njeri për të vdekur për mëkatet e mia, dhe që Ti u ngjalle sërish. Të lutem, eja në jetën time dhe fali mëkatet e mia, në mënyrë që unë të kem jetë të re dhe një ditë të jem me Ty, përgjithmonë. Më ndihmo, të të bindem dhe jetoj për Ty, si fëmija Yt. Amen.

Lexo Biblën dhe bisedo me Perëndinë çdo ditë! Gjoni 3:16

26